

泰和縣志卷三十九

吉安府泰和縣知縣潼關楊訥重輯

藝文志

詩

五言古

庭堅得邑太和六舅按節出同安邂逅於皖公溪口  
風雨阻留十日對榻夜語因詠誰知風雨夜復此  
對床眠別後更覺斯言可念列置十字字為八句  
寄呈十首選五

黃庭堅

泰和縣志

卷三十九

藝文

詩

一

鵠白不以烏蘭香端為誰外家秉明德晚與世參差乖離  
歲十二會面卒卒期何言瀟邱底玉稻同一炊  
滄江渺無津同濟共安危四海非不廣舅甥自相知孔鸞  
在榛梅鷓鴣亦一枝千里同明月相期不磷緇

少小長母家拊憐輩諸童食貧走八方畧已一老翁不能  
成宅相頗似舅固窮何以報嘉德取琴作南風  
德人心寂寥立朝習莊語虎節坐山城孤雲猶能雨文章  
被甥姪孝友諧婦女偃息一畝宮植梅當歌舞

解衣卧相語濤波夜掀床十年身百憂險阻心已降涉旬  
風更雨宿昔燭生光衾幃無端冷明月一船霜

四月戊申賦鹽萬歲山中仰懷外舅謝師厚



黃庭堅

只今漢龐公白髮佐州郡窮通視寒暑仕已誰喜愠長松  
卧澗底桴雷多裂壘未須論才難世人無此韻禪悅稱性  
深語端入理近渙若開春冰超然聽年運臨民秉三尺朱  
墨不可紊傳聞但言歸心許手自隱欲知南陂稻得幾就  
收裾胥疏江湖濱不邇金玉訓濡需且肉食穀棘恐鐘釁  
龍移山發洪虎乳月生暈竹聲寒夏簟輟寢中夜聽寄聲  
向鹿門儻賜勞苦問

寄懷元翁

黃庭堅

歲年豐稻杭井邑盛煙火北園曾未窺王事方勤我花枝  
互低昂鳥語相許可觀物見歸根撫時終宴坐搔首望四  
泰和縣志 卷三十九 藝文 詩 二  
鄰諸賢皆最課極工簿領書甚辦米鹽顆平生短朱墨吏  
考仰丞佐初無公侯心骨相本寒餓明窻懷玉友清絕吟  
楚些念君方坐曹無因奉虛左

次韻吉老遊青原將歸

黃庭堅

欣欣林阜樂賞心天際翔清樽鱸鯉朱果實圓方醉罷  
聽疎雨衾寒夢國香雨餘山吐月的皦滿簾霜展轉復展  
轉鐘魚曉琅琅思歸笑迎門兒女相扶將

癸丑宿早禾渡僧舍

黃庭堅

城頭渡可涉早禾渡可軒試問安用舟春水三文餘是維  
一都會駟僧權征輸鬱鬱多大姓儒冠頗詩書以武斷鄉  
曲舊俗小未除厭囂謝近市靳絕得僧區此地美水竹林



明見浴鳧相追唳，淺藻天樂非世娛。憶在田園日放浪，友禽魚今來長山邑。忍饑撫惻孤，出入部曲隨咳唾。吏史趨形骸，束簪笏可意。一事無謀生理未，拙仰愧臃腫。樗曲肱，晴簷底結網看蜘蛛。

宿觀山

黃庭堅

暮發白下地，暝投觀山宿。橫溪赤欄橋，一徑入松竹。野僧如鷲巖，避堂具燈燭。我眠興視夜，部曲始吹熟。篔簹水煙際，鳴萬籟入秋木。平生蕭洒興，本願終澗谷。世累漸逼人，如垢不曠沐。已成老翁為，作吏長碌碌。

勞坑入前城

乙卯飯後

黃庭堅

刀坑石如刀，勞坑人馬勞。窈窕篁竹陰，是常主逋逃。白狐

恭和縣志

卷三十九 藝文 詩 三

跳梁去豪猪，森怒嗥雲黃。覺日瘦木落，知風饕輕軒息。源口飯羹煮溪毛，山農驚長吏。出拜家騷騷，借問淡食民。祖孫甘餽糟，賴官得鹽喫。政苦無錢刀。

乙卯宿清泉寺

黃庭堅

稅輿陟高岡，却立倚天壁。就輿亂清溪，轉石飛霹靂。十步一沮濡，五步一枳棘。上方未言返，豁見平土宅。田家雞犬歸佛廟，檀藥碧蓮蕩。落紅衣泉泓，數白石人如安巢鳥。稍就一枝息，鐘魚各知時。吾亦自得力。

丙辰仍宿清泉寺

黃庭堅

山農居負山，呼集來苦遲。既來授正役，謠詠謂余欺。按省其家資，可忍鞭扶之恩。言論公家疑，阻久迺隨騰。口終自



愧吾敢乏王師官寧憚淹留職在拊惇嫠所將部曲多溷  
汝父老為西山失半壁且復下囊輜啼鴉散篇帙休吏稅  
巾衣石泉鼓坎坎竹風吹參差書冷行熠耀壁蟲催杼機  
昏紅夜未央高枕夢登爨

丁巳宿寶石寺

黃庭堅

鐘磬秋山靜爐香沉水寒晴風蕩濛雨雲物尚盤桓淪茗  
赤銅椀寬泉蒼煙竿紅榴罇玉房朱橘委金丸枕簟已思  
煖飯羹可加餐觀已自得力談元舌本乾理窟乃塊然世  
故浪萬端牛刀經肯綮古人貴守官摩挲發劘手考此一  
邱槃

己未過太湖僧寺得宋汝為書寄山蘓白酒長韻詩

秦和縣志

卷三十九 藝文

詩

四

寄答

黃庭堅

從學晚聞道謀官無見功早衰觀水鑿內熱愧鄰邦比鄰  
有宗侯治劇乃雍容摩手撫鯨寡藁礫磔強梁桃李與荆  
棘稱物施露霜政經甚縝密私不蚍蜉通吏舍無請昧家  
有侯在堂府符下鹽策縣官勸和羹作民敏風雨令先諸  
邑行我居萬夫上關情世無雙此邑宅巖巖里中頗秦風  
翁媪無恙時出分如蜂房一錢氣不直白挺及父兄簪筆  
懷三尺揖我謂我臧向來豪傑吏治之以牛羊我不忍敵  
民教養如兒甥荆雞伏鵠卵久望羽翼成訟端沟沟來諭  
去稍聽從尚餘租庸調歲歲稽法程按圖索家資四壁達  
牖窻拚目鞭朴之桁楊相推振身欲免官去駕馬戀豆糠



所以積廩鹽未使戶得烹八月醜社酒公私樂年登遣徒  
與會稽而悉走荻篁吾惟不足遣夙駕畧我疆邑西輒戾  
地是嘗嬰吾鋒齟齬其強宗彼乃可使令夙夜於遠郊草  
露沾帷裳入磴履虎尾捫蘿觸蠱芒借問夕何宿煙邊數  
峰橫松竹不見天蟠空作秋聲谷鳥與溪瀨合絃琵琶箏  
稅駕亂石間巖寺鳴疎鐘山農頗來服見其父孫翁苦辭  
王賦遲戶戶無積藏民病我亦病呻吟達五更韻為誦書  
語一作書行歌類楚狂舉鞭問嘉禾秣馬可及城惜哉憂  
城且不得對榻床灑筆付飛鳥北風吹報章書回銀鈎壯  
句與麝煤香浮蛆撥官醅傾壺嫩鶯黃山氣常蓊匭此物  
可屢觴積藥割紫藤開籠喜手封味温頗宜人笔以石飴  
蘇和縣志 卷三十九 藝文 詩 五

庚申宿觀音院

黃庭堅

葦舉盃引藥糜詠詩對寒江寄身甚勞苦相思秋月明我  
邑萬戶鄉其民資器凶欲割以壽公使之承化光反以來  
壽我中有吞舟鯨銅墨俱王命職思慰孤惻何時賭一擲  
燒燭呪明瓊

谷底一墟落地形如盎盆榱題相照耀其民頗家温土風  
甚於秦不可借金甌僧屋無陶瓦翦茅蒼竹樊借問僧安  
在乞飯走諸門人闕烏鳥語簟涼風水文旁有蜂蜜廬頗  
聞衙集喧將雨蟻爭邱廩兵復追奔紅英委鳳翼赤幘裁  
雞冠汲烹寒泉窟伐竹古松根相戒莫浪出月黑虎夔藩

辛酉憇刀坑口

黃庭堅



羣山黛新染蒙氣寒鬱鬱掃除迎將家下簞脫巾鞞南北  
舍小棠况可清煩暘鳥聲廢晝眠聊以休吏卒竹雞苦喚  
人覺坐觀法窟無外同一家惟此非萬物清波兩鴛鴦善  
游且能沒驚人相追飛甚念失其匹春鉏貌閒暇羨魚情  
至骨廣道策堅良熙熙集於苑爛額始論功儻能謀曲突  
金刀坑迎將家待追漿坑十餘戶山農不至因題其

壁

黃庭堅

窮鄉阻地險篁竹彌夔魑惡少擅三窟不承吏追呼老翁  
燕無凶偃蹇坐里閭後生集聞見官不禁權輿懷書斥長  
吏持杖鑿公徒遂令五百里化為豺豕墟古來沉牛羊檄  
水臣鯁魚猛虎剥文章矧而民髮膚哀哉奉其身曾不如  
秦和縣志 卷三十九 藝文 詩 六  
烏烏破家縣令手南面天子除要能伐強梁然後活悼孤  
屬為民父母未教忍先誅山川甚秀拔人物亦詩書十室  
有忠信此鄉何獨無

羅溪橋

裘萬頃

我來從禹昌日日困塵土誰知羅溪橋淨若初過兩長松  
列左右清風奏宮羽薄暮舍籃輿扁舟渡溪去

何和尚尋母

趙文

何上饒人因丙子亂失母乃削髮為僧刺血寫經  
徧天下尋之至燕值國方會僧六萬三千人何於  
會煉臂有一僧問有何願受此苦何具言所以僧  
云京兆府金鄉縣張官人宅問之即往詢求乃知



俱往吉州仕宦矣何到吉州太和得知張名守德  
為太和尹乞食至門曰我信州人有母在此闔人  
言母出不復認何言我辛酉生母乙巳生俱言外  
氏祖父母方記憶相向大哭蓋母由他人三易主  
矣張令加冠巾約為兒許為娶婦何曰初事佛求  
母豈可得母負吾初心乃陳省以母不當攜張以  
為買引法力爭之何日哭於省前冀有仁人哀而  
助之者後竟得母以歸

寫經母血盡長素母容枯燒蜜煉頂臂孰非母肌膚豈不  
痛至骨為母忍斯須南北萬餘里來往如趁虛天高考可  
感報應非浮屠出門訪東家遇否不可虞茫然求我天再  
奉和縣志 卷三十九 藝文 詩 七  
見得所圖昔者別兒時那有此頭顱明明陳左驗大慟絕  
復蘇向來相妬人泣下成款款收泪相勞苦何異得乳雛  
不即遂其志彼張非丈夫冠巾有婦子諒亦母所娛為佛  
再有母初志不敢渝但期百年內奉母與佛俱雖非聖賢  
事區區守其愚為君賦高誼感我真窮孤棄我十二年人  
母我獨無天涯尚可尋地下不可呼

觀山

范正國

秋日淡平野秋風吹客衣駕言適西郊籃輿穿翠微觀山  
隱精舍籍甚涪翁詩竭來訪陳迹古木蔽柴扉寒泉湛秋  
氣亂石響前溪高峰抱蓊蔭右殿倚傾欹同來得湯沐漸  
喜與世違遙憐二三友結約空前期



觀山

劉敏求

古寺隱山腹蒼苔行地衣岑寂少人迹路纔一線微問誰  
促公行一句山谷詩乘間拉湯沐聊叩幽人扉相投一杯  
水氣味如曹溪興盡即云返午枕不暇欵新詩留壁間宛  
出黃絹辭如看虎頭畫且與虎頭痴已識山面目遽然暫  
相違行行綴鴛鴦重到還無期

次韻附

李玉璧

松徑入古寺空翠濕人衣捲幔爽軒坐晨光尚熹微江山  
畫圖裏值是無聲詩白雲滿空谷清風動禪扉冷冷千尺  
泉流出成深溪沿溪玩虛碧何憚路險欹山僧猶好客苦  
留未容辭天窻饒賦咏朗誦開愚痴陽春慚寡和世事殊  
泰和縣志 卷三十九 藝文 詩 八  
多違抱琴空歸去緬懷鍾子期

潮山

劉敏求

信祖昔棲岩寒潮日三入祖攜瓶錫去潮音斷消息山因  
潮得名傳者非一日山空夏莫載事遠固難必惟餘松檜  
風經年弄蕭瑟昔攜三二友擺去紅塵跡棲遲讀書巖傲  
岸興頗逸往往日多暇十景快吟筆蹭蹬今幾年依舊山  
駢碧白雲豈無心常依吟處石

次韻附

李玉璧

昔年潮山岩今喜得深入禪菴不可求潮水久乃息竭來  
初夏時况逢全盛日勝遊固所嘉奇遇安能必山鳥雜管  
絃松風鼓琴瑟林深鹿養茸苔澁鶴留迹靜境遺紛龐雅



懷遂曠逸風景堪娛人丹青難下筆寶花露光彩錦草間  
紅碧未訪羅居洞且坐觀音石

悲廬陵 并序

郭 鉅

至正十六年丙申冬袁州兵逼城屯藤橋丁酉正  
月義士廬陵陳瓘出屯城北之青湖二月吳都事  
命兵校明某下桐江計事不報入蘭溪召不至五  
月桐江李彬誅六月袁州兵退秋明某歸遂以其  
屬屯太和之永和十一月明某矯殺騎將林伯顏  
武端不問十二月全叅政管其部將某某戊戌正  
月朔庚子戊午叅政兵亂逐鎮撫吳林三月梁太  
守卒安成兵自去冬侵掠北境旦暮至四月至桐

泰和縣志

卷三十九 藝文 詩 九

江五月初四退初十戊申分宜義士袁雲飛導沔  
兵至桐江己酉義士劉照與戰於吉水之灘頭庚  
戌明某以都事之衆降辛亥傳於城錄事張元祚  
與攝監郡雅某降全叅政奔贛裨將降叅謀鄉貢  
進士吉水蕭彞翁死之是日陳瓘召安成兵入城  
六月吳都事將其屬居吉水再陷之畧也

峩峩青原山洋洋白鷺水炳炳照輿圖磊磊足多士四忠  
與一節流風甚伊邇往者舉義旗事由匹夫始連兵七年  
間省臣兼節制朝廷寄安危幕府保姦宄勢驕改令圖反  
側久窺伺紅旗遡江來羣雄盡風靡今日賣降人昨朝清  
議子奈何英雄資因之穢青史朝為龍與虎夕為狗與蟻



流芳動百年遺臭亦千祀嗟予父母邦何忍獨深嘗所恨  
寧馨兒磔磔不得試賴有蕭叅謀殺身刷深恥我欲裁白  
雲絨情問生死哀歌裂肝腸臨風淚如洗

遊三華山

劉崧

龍門兩山負一水下迴繞蒼峽忽中開飛橋出林杪盤盤  
石磴引羃羃松林窅危闌正西挂層閣復東繚樹暗盡含  
雲花明忽聞鳥懸厓傍架棧鑿石潛通突早聞三仙人棲  
花迹已杳常疑雲月上顏色靚清皎丹井舊時深朝真亂  
來少荒壇翳霜兼虛館闕叢篠凝神觀衆妙屏跡謝羣擾  
懷賢慨重憇振翼思遠矯佳境能娛人何因致清醪

舍弟往三坳嶺尋解子日夕未歸坐候林下

泰和縣志

卷三十九

藝文

詩

十

劉崧

西林已雜棲北澗復蟲響沉沉四山明寥寥一星上時危  
劇鍾情期逝勞紆想悵立此溪陰欲休未能往

江干草居

劉崧

江干恆幽屏草扉亦常闕晚塗斷歸人墟市見寒山林木  
變冬候繁綠忽已殷鳴鳥相因依孤雲時去還唐虞既云  
遠慨此時獨艱四體豈不勤我髮日已斑遨遊千載上偃  
仰一室間樂詠古人書庶幾無醜顏

和答蕭國錄八月十一夜對月有懷之作

劉崧

林塘澹清華庭宇豁虛朗露井波澄輝風林葉交響高言



倡令德孤吟振遐想亭亭江月上肅肅雲鴈往美人浩前期令節延遠望池魚既堪綸旨酒亦可釀永懷契天遊庶以會心賞宇宙本達觀如何較銖兩

歲暮南歸留別蕭紳

劉崧

旅寐不能旦披衣坐床帷屋角曉色動鳥鳴已多時起步出庭際雲物正華滋殘雪未盡消羣山鬱參差即此念故園焉得不懷思矧屬歲運周返駕固其宜理策望前路揖君從此辭窮簷有稚子但訝歸來遲

辛丑正月二十二日述志

劉崧

經年掩扉卧迹與城市遙誰為拔茹計乃以仕見招本昧平生素敢勞中道要公檄臨我門戒命在夕朝九江金雄泰和縣志卷三十九藝文詩十一州邁往方迢迢有母誰與居念之中以焦起揖謝來客我何希市朝澹然一室內宴坐方寥寥

由竹埧望錦川桃李春色如畫有懷陳邑令

王沂

涉淺上輿梁憑高眺鄉縣灼灼桃李花層層遠皆見兵餘草根盡此地芳菲徧氣暄雉雙雉景淑鶯百轉邑里齒故繁弦歌俗丕變懷賢思如渴敷政速於傳孰是潘安仁而猶宓子賤

九月十一日鄰寇逼境倉皇南渡感賦

王沂

鄰邑舉烽燧長驅寇南平中宵始聞警挈家遂遠行倉皇



具舟楫所志惟弟兄初營暫涉水將復還邑城歸塗逼煙  
燄戎馬亂縱橫父子兩隔絕慘哉生別情慈親力疾起負  
掖同遐征饑分路人食渴飲田婦羹兒童不遑息踽踽昧  
前程為謀苦不早臨難迺無營前事杳難測逢人空涕零  
存亡有至理瞬息且偷生

望南屏山同呂仲鉉仲實作

王沂

遊目南屏山逍遙稅塵鞅清溪亂流涉疊嶽綠雲上輝輝  
瀑泉落隱隱天籟響荒塗理通塞虛室靜宏敞中有餐霞  
人長矚御風想不乘緹嶺鶴還顧漁郎舫芝草甘若飴雕  
胡大盈掌雖為頽齡駐亦忌流光往永懷山中遊觀化歷  
清賞

泰和縣志

卷三十九 藝文

詩

十二

三顧山

王沂

白下水南峙青山多好峰曾攜玉拄杖細看金芙蓉松杉  
百尺圍藤蘿千萬疊爾非盧度仙精神乃相接倏然岩谷  
底彷彿元圃邱履我舊行跡何殊梁家遊松風落松花片  
片勿輕掃更欲三顧棲同君采薇草共守鴻鵠志豈隨龍  
虎爭時來拂衣起奄忽成大名紫氣浮關門白雲麗宮闕  
照見遊人心餘碧峰月

遊天慶觀登衆妙堂

陳謨

琳宮宅堯率褻汗衆妙門試觀擣衣砧上有眉山文上堂  
羅兒婦下堂飼雞豚塑像古且奇稽首元元君端居燕穆  
清誰使居人羣亦有居士泉澄源為之昏那無一寸膠可



洗千文渾

西畦自適

梁 蘭

守拙一圃間，衡從五畝餘。藝麻在高邱，雜以果與蔬。春至百草生，趁晴聊荷鋤。筋力豈不勞，蕪穢亦已除。家人會知我，慰以酒滿壺。偶坐斟酌之，日落西山隅。歸來北窻下，我心一事無。

思親圖

梁 蘭

孝子慕厥親，終身無已時。自云早失怙，鞠育仰母慈。古稱軻親賢，我母實類之。棄背日已遠，不復返哺私。况今持旌麾，迢遙南海湄。引領顧舊鄉，孤雲隨風飛。念茲邱隴間，白楊何淒其。旋歸未遑遂，能不懷傷悲。哀哉孝子心，此情天所知。先民亦有言，事君忠可移。黽勉樹奇勲，顯揚以為期。

秦和縣志

卷三十九

藝文

詩

十三

城南小隱

周是修

萬冗作由心，心遠喧竟寂。孰云事真隱，而必離塵邑。惟茲方寸中，渾然有太極。衆人固蚩蚩，悟之在達識。倬彼高世士，抱道慕閒逸。舊宅城南隅，處甚岩岫僻。曠哉煙霞想，變化隨所即。礪齒何不堅，循壁亦有石。洗耳何不清，負郭亦自適。寤言宇宙間，焉往不自適。溯觀巢許流，千載猶一日。

春日言志

周是修

晴光灌榮樹，好鳥鳴其間。幽人啟前戶，盼之以怡顏。樹色正蔥籠，鳥聲何綿蠻。物情本自適，於時亦相關。乾坤同大塊，寒暑交循環。變化豈終極，枯榮倏往還。云胡百年內，不



有一日聞智哉張子房功成遠所患寒流松石上辟穀聽潺湲

花陵渡

周是修

路窮春江長江上花陵渡東風桃李花多少隨流去野航容數客來往衝紅兩日夕望煙波武陵更何處

武婆岡

周是修

處女桃花顏自幼謝塵匹飄然入茲山燒丹學仙術乘雲以何代留名至今日徒令凡世人千秋指遺跡

黃衣巖

周是修

崇峰出百里巖壁一何峭神功擘元氣中有太古竅青雲從下起白日當前照仙鶴不重來年年夜花咲

秦和縣志

卷三十九

藝文

詩

十四

太平洲

周是修

一水分復合是有中流渚溯洄從其人道阻心良苦其人美如玉遠世甘獨處秋風把釣歸遠屋松蘿雨

尖心峰

周是修

東郡富原田西顧曠平永青峰特中起卓立勢拔笋造化固根莖陰陽定標準何當躡層雲臨覽至絕頂

大石門

周是修

兩山夾長溪石壁忽觚截一竅正中開巒岼象棖闌不假造化功世人焉得設萬古祗如斯消磨幾行客

白下縣

周是修

大河東遙遙孤城忽如塊臨流起層閣危軒俯長瀨西山



當倚晴宛若蛾眉對日夕望闔都車馬空橫潰

幽居對雨獨酌

周是修

幽居一日雨高坐不出門江風逾箭疾隴雲仍墨屯驚魚  
晚時躍棲鳥寒不喧發我葑菲苗滋我松竹根靜言觀物  
理生意何其繁家人慰沈默洗杓開小樽斟酌勸飲之兀  
然醉乾坤塵土復何如得失焉足論

早過梅岡題雲林圖

梁潛

乘夕泛修渚候旦登崇岡欹坂翳雲樹側逕披風篁澗迴  
飛溜淙谷轉晨景藏絢霞浦蓮粲浥露汀蘭芳境迴素情  
暢慮遣幽意長遂與高人覲益慨官鞅韉層構抱清曠周  
覽超遐荒並轡驂安期聯軫招綺黃縱步掇瑤葩高咏軒  
泰和縣志

卷三十九藝文

詩

十五

瓊漿彷彿元圃陰窈窕丹邱陽願言謝簪紱因之俱翱翔

蟠龍山

梁潛

壯哉蟠龍山勢高凌清真嵯峨控梁益幽森會神明稍見  
雪山白還望陽臺青迢迢史公路上出飛練亭清湍落危  
澗散作萬壑霆平生磊砢懷奔馳忽伶俜

賦鴈塔晴雲贈袁叔異

梁混

崇頂麗層霄飛軒瞰遐曠始登懷頗暢稍覽情初暢澄江  
一線微武姥雙鬟傍神京鬱迢迢佳氣遙相望矯矯丹鳳  
雛整翮青雲上鼓笈學已優服命年幾壯高名從此題臨  
別毋惆悵

賦龍洲神彩贈別

梁混



龍洲一河迢逶迤亘長天神物不可攀五采爛且鮮沙迴  
被繁草水積橫孤煙君侯昔遊衍綺羅耀通川清商激金  
奏屢舞紛瓊筵賓從俱才雄詞賦累成編佳賞君不見餘  
韻人猶傳茲晨餞行邁感慨情弗宣中觴起交壽相愛各  
贈言黽勉企前烈忠義良所先

永思堂

梁 混

羈禽戀蓬蒿離人夢鄉閭引睇西北雲中心增鬱紆桑梓  
日以遠歲月日以徂顧茲在萬里能不懷歸歟邱壠莽沙  
草况復春露濡筋力老且衰髮髮白已疎所幸羈旅間而  
與骨肉俱投簪苟違遂迴轂良易駟毋用徒自傷加飡保  
君軀

泰和縣志

卷三十九 藝文

詩

十六

西翠山房

梁 混

層軒抗西岑積翠亘千尺蘭茗春煙霏松檜秋露滴蒼蒼  
侵緹帷浮浮絢緗帙旭景麗崖紺晴嵐帶林碧仰窺白馬  
度俯瞰黃猿躑尚書欣重過博士亦屢即縈塗入竹尋危  
磴捫蘿陟投策良少休傾壺聊共適素袍凝黛光錦袂生  
藍色佳境恣消搖清時幸優逸東山始沽名綠野匪潛跡  
但茲寡塵紛高風孰能匹

送孟潛陽先生教授

尹昌隆

理權辭京都之官越閩嶺樵峰渺何許川涂邈修迫霜雪  
歲暮繁朔風吹雲冷嚴程既難滯別思當自領清波漾寒  
色孤帆明夕景已過落星灣遠望杉關境橫經守清秩那



教知獨秉遐想諸生徒三席待開省

和畦樂詩

王洪

索居南野外頗於人享疎灌木蔭前庭隙地數畝餘蔬果  
因時藝駕言理其蕪聊以足晨夕過茲奚所須固窮諒吾  
分貪得寧匪愚糗草而終身樂哉常晏如前畦榮晚崧後  
畦鬱新葵感茲時物嘉濁酒聊自持青山繞我屋涼颺吹  
我衣今辰不為樂鼎鼎將何施大化不可測吾生豈無涯  
緬彼沮溺賢茲心不吾欺

前題二首

王儼

平居無俗韻取樂在邱樊春至灌木滋鳥雀遶舍喧感茲  
時物榮因以窺我園我園在崇邱穢蕪日已蕃辛勤理町

泰和縣志

卷三十九藝文詩

十七

畦倦來荷鋤還明月照墟里葦門猶未關妻子念我饑當  
筵具盤飡一觴偶獨坐放懷聊自寬高酣發新謠不知險  
與艱

春陽釋土膏百卉榮且敷時雨修已至兼之泉脈舒閑居  
何所樂取樂農圃餘凌晨荷鋤往蕪穢一剪除披榛理新  
條隙地還藝蔬羣雀噪我傍饑鳥行哺雛感茲物性微促  
刺良不紆歸來喜懷抱聊以倒一壺何必役名利終年抱  
區區

同蔡尚遠尤文度朱仲禮楊仲舉蔡用嚴游東山

楊士奇

步出城東門逍遙望雲巖累月懷佳遊茲晨遂登踐梵宇



繞層阿飛樓凌絕岷方塘涵湛碧喬林茂敷衍繁翳幽莫  
通丰茸紛不翦攀磴窮高躋綠逕屢回轉是時微雨收輕  
霞澹舒卷遙睇素橫川俯夷綠盈畎陟降體自便顧盼心  
已緬况接曠士言復偶釋子辯析空理弗昧違喧抱逾展  
何因此間棲永令浮慮遣

永豐曾氏龍潭

楊士奇

開軒面澄潭潭水綠於染其下蟠蛟蚪四時興有滄嘉樹  
羅舊蔥煙霞互舒斂晴漪漾春牖涼颺含暑簟俗轍謝經  
過書卷恒不掩探微心有得行素道無歎消搖視天宇油  
雲馳冉冉庶跂沂上樂誰當歎與點

題劉逸人樂耕卷

楊士奇

泰和縣志

卷三十九 藝文 詩

十八

理生雖異業居世皆有務治本既在茲食力余所慕九扈  
春始鳴興言向田墅初來正溝塍爰方藝禾黍雖有耘耨  
勞三時足甘雨歲功聿已成屢豐報田祖儲峙何必多取  
具充寒暑有酒可同歡時時會鄰父既醉去悠然登高睇  
平楚一為擊壤謠游心緬千古

芳樹篇

王直

芳樹在中園擢秀亦何奇下有百尺根上有千歲枝濯濯  
沐膏露冷冷透涼颺葉蓄紛旖旎花密粲歲穠行人得所  
庇歸鳥安其棲君子澤萬物乘陰諒如斯興言勿翦伐相  
愛出中懷化機浩無停榮悴各有時顧此凌霜節亭亭終  
不移



下銅塘口

王直

泛舟銅塘口截出樟樹鎮江迴水百折風雨一何盛望望  
淵渚長迢迢入煙暝牛羊被阡陌桃李紛相映人家依古  
樹寂寞柴門靜雖無車馬客而愜魚鳥性徘徊念鄉邑山  
川愈遠憂未能秉耒耕寧免彈冠慶素飧良足誚幸遇明  
主聖誰謂行路難棹歌滿清聽

靜修齋

周忱

達人深趣屏跡謝奔趨素心澹無慮熙熙長自娛夜對  
松梢月朝閱圖與書窮深探奧旨論議沂唐虞猶恐斲輪  
者登堂笑何迂

素位

余學夔

秦和縣志

卷三十九 藝文

詩

十九

安貧守吾道屢空有好懷美爵吾不求異患吾不摧紆轡  
苟利違吾駕焉可迴良朋時經過好顏為之開春醪解渴  
饑興至輒傾杯坐談雜交歡欣言托所諧悠然樂苦貞此  
志誰與偕

樂隱為尹克俊賦

蕭鎡

行愛溪中水坐愛溪上山富貴非所願蓬門晝常關清風  
天外來入我窻牖間豈無一樽酒可以銷憂顏葉落驚秋  
徂鳥啼知春還既忘是與非寧復虞險艱雅志固如此高  
蹤安可攀

羅知州之交趾分韻得北字

曾鶴齡

惆悵杯酒閒踟躕路側適別情所難况君遠行客行客







棲遁者無為久棄淪

鳳凰臺

劉經

崇臺洧水濱昔有鳳凰集朝陽不復鳴荒基徒屹立漠漠  
飛塵紅萋萋豐草碧鳳兮去不回使我空歎息

自勵 三首

羅欽順

昔聞爨下桐乃充伯喈琴知音苟不作山水徒高深平生  
守章句中歲勤溫尋新知能幾何淘沙初見金聖賢諒非  
遠萬里行自今精神誠所相無虞力難任以茲恒夙夜聊  
欲忘華簪

峩峩數仞墻百官紛濟濟眇茲墻外軀所見諒無幾高門  
日夜闌欲入誰余柅奈何迷不思竄身荆棘裏

泰和縣志

卷三十九

藝文 詩

二十一

紫陽基下學象山明自然支離與徑捷彼此嘗交鑄百年  
公論定畢竟誰為偏昔聞昌黎語軻死失其傳皇極久不  
建西教擅吾權投入劇妖冶落網無愚賢孰辨真頑空拘  
肆成癡顛良心一以溺作聖何由緣二程開興運戮力掃  
腥羶涵養須用敬致知學攸先神功合內外彛訓肅昭宣  
誰哉樂易簡徑欲遺陳編自然豈不貴無乃流於禪孤風  
邈難嗣缺月澹寒川近來白沙老應執九原鞭緬思原泉  
句今昔幾尼穿寧知下學功是水可澄鮮

季弟允恕家居十有五年幾若與世相忘者茲再被  
召命長銀臺無復可辭之意於其行也賦得五言

古詩一篇送之

羅欽順



山林間人跡抱此幽獨姿幸有同氣良出入相攜持春風  
花下酌秋獻雲間標論文或竟夕次第分醇疵外物復何  
有真樂良在茲悠然天壤間百歲以為期季也志尤偉間  
居亦孜孜積書早充棟博覽仍精思上下數千載歷歷如  
見之庶幾經濟業豈曰華藻為憶昔嘗在服頗受先皇知  
金門敷奏下退食每委蛇歸省得寬告養疴竟棲遲手栽  
西墅梅結實已纍纍大來新萬象求舊靡遐遺珪璋敢自  
擬特達蒙恩私趨命理宜急圖報今其時畫船雙桂棹宛  
在澄江湄君當別我去我老將安資相送不能遠夢寐還  
相追微霜清遠驛到處堪題詩殷勤寄魚鴈以慰長渴饑  
同諸士大夫議鄉約於龍福寺約成賦詩分韻得君

泰和縣志

卷三十九

藝文

詩

二十二

字

羅欽順

禪扁豁清晝深虛隔塵氛雨餘山翠入林靜鳥聲聞嘉賓  
何濟濟跋涉良已勤非貪湟槃趣思整時俗禁此意誠懇  
懇誰謂徒云云坐中三大耄郭東山八十三尹南山笑語  
八十二曾石壁八十一芝蘭薰羣英亦駢列意氣凌青雲道同聲自應彼此曾何  
分揮毫已具草命酌還論文長年懷契濶茲會餘清芬清  
芬諒無已即事期收勲庶幾萬分一持以報吾君

石江為歐陽光祿賦

羅欽順

骯髒人所憎脂韋人所喜世無骯髒人滔滔將誰止伊余  
素寡合晚得石江子自云性骯髒託物以喻指家住蜀江  
濱江流清且駛有石橫亘之何由日千里素懷及物志而



昧圓通理方心利不得機變乃深恥坐此礙吾行與石潭  
相似爰以石名江因之還自擬余聞不謂然此性實天昇  
能令憎者畏所向率風靡漢廷黜誠慙邪謀為之弭累百  
公孫宏論功安得指在人明有徵在物豈殊此江深多瀑  
漲高岸有時圯向非石之功雞豚盡鱸鮪小激旋成文剛  
制終循軌似礙原非礙妙用誰能揆聲應本由衷詩成忽  
盈紙要知惓惓意慎終必如始千里未為遙直到扶桑涘

答鄒東廓歐陽南野聚講吾邑古城寺寄示諸生詩

次韻二首

劉魁

蕭散惟林泉清幽多寺觀物理付鳶魚吾道隨童冠無我  
乃為虛有心即成玩雨久必成霑日中自然旰天地自盈  
泰和縣志 卷三十九 藝文 詩 二十三  
虛愚知皆明燦變易以從時何用增憂嘆

夏葛與冬裘饑食而渴飲人道此其常何用勞思審春日  
本遲遲秋霜原凜凜天道此其常何用勞題品後來內外  
分始戒以衣錦為學如力田誰不望歲稔

大杖

劉魁

要熟須從此斯言信不誤死生能順否動忍益增無大杖  
未能定皇天不用呼未須論苦海苦海正蓬壺

擬輓四首之二

劉魁

詔許歸一犁使復追萬里遑敢顧妻孥恨未恭桑梓天王  
本明聖臣罪當誅死還期闢四門濟濟來多士  
十日忝虞官廿年叨祿仕期追吏部韓忍效大夫史散髮



出鐵門橫屍掩標裡誰將一點心上微九重耳

西昌懷古詩

李玉璧

我聞鄉先達多以謙讓居城東楊待制珠林劉尚書投簪  
還鄉邑徒步入里閭少師待制孫展墓賦歸與西城王家  
宰謝事天順初皆有轎與馬而亦多步趨絕跡至官府至  
則敬有餘鄉人爭羨慕益久揚芳譽前修去逾遠禮俗日  
漸殊不及朱買臣又非馬相如微官是何物乃敢忘故吾  
前驅負雙弩高坐擁駟車親知俯首避喝聲震通衢遂令  
貴遊子與凡舊層沽時來輒效顰馳騎乘肩輿任人唾且  
詈不聞佯若愚豈無恬退士往往視為迂淳風幾時復免  
我長嗟吁

泰和縣志

卷三十九

藝文詩

二十四

登衡嶽

胡直

弱齡慕遐舉中為世網嬰雖抱及物志而非濟時英家本  
衡廬交早負泉石盟秉憲涉湘沅吏事滋牽縈靈岳真疆  
域渺若隔蓬瀛恭承帝新命駕言自西征迴車恣探歷使  
我夙心傾朝暎蕩雲嶽導我遊上清吾衰疲塵鞅學道未  
有成安得同心友眷言事耦耕

卧雪東林寺延望天池感賦

胡直

宿世天池客雲深世絕尋東舍佳仙館西家董奉林一落  
何遲迴飈輪久莫馭悵望山頭雲徘徊山下路

憂民詩

屠大山

拙簿守大郡簿書苦纏縛秉志共慈良敷政寡恢廓沴氣



盈九邑洪荒乃大作魚龍遊翠湖棟宇盡飄泊木杪結人  
巢澎湃撼城郭萬古長清流今有襄山嶽螺川接鄱陽波  
濤易消落災變匪虛至端坐望懸柞去歲秋半收比屋多  
索寞滔滔更加茲云何望耕獲傾困不濟饑盜起誰能度  
寤寐聞呼號哀哀涕盈握叨祿已歷年何以名民牧躑躅  
訢穹昊皇皇身靡託

首山

陳際泰

正月發臨川二月到陶湖來訪皇華使如何號遯夫入門  
開三徑松竹雜葦蘆小立板橋望垂楊穩卧鳧轉入石欄  
處小童飼鶴雛草繁輕不伐偏欲似荒蕪借問何如是曰  
可養拙愚菴題靖節姓此志亦區區不信其中意骨貌久  
清癯兼以兄弟好壘篋日于于同吹太古曲斯世相唐虞  
我亦高蹈者對之深躊躇安得壺公來躍入壺公壺

為蕭孟昉賦

魏禧

好夢在園林恰來天半住阻水注清池開花散芳路經營  
惜寸條有如作家具憶昔遊春浮蕭太常園名持身入煙霧水  
石移地形結構本天趣我年比子安愧不留佳句時余年十三  
聞君為遯圃肯與高僧寓曾讀徐緘詩輒身至其處爵位  
如亭沼名節如林樹靜坐當兩日百年時延佇

泰和城外望快閣

查慎行

西昌漢古邑地勢實開拓鏡光十里平倒影見城郭浮圖  
南北峙雙秀拱一閣緬彼白下宰流風宛如昨官清無俗



情景勝擅傑作冰絃絕已久入境兩寒除却謝元暉澄  
江何處著

催輸飲

劉自越

我鄉經亂後蕭蕭戶凋疲磬懸空葵藿稅納煎膏脂十年  
輸一役催輸義何辭井里村幾許相逐飲中達當亭燔豚  
肉注酒盈春卮花風冷四座柳色顰雙眉曾聞石壕吏少  
陵自苦悲日計期尚早掃愁且解頤酣飲相勸勉急輸毋  
少遲遲輸來叫囂寧不畏官司我矢催輸義叩門盡親知  
袖手猝難應主人聲復痴鬱鬱城頭路勞勞風雪馳猶記  
兒戲日役由祖父持嗟今持役苦恨不長為兒

茹土謠

癸亥饑貧民入山採土以食有  
食之而致死者作是謠以憫之

秦和縣志

卷三十九 藝文

詩

二十六

歐陽柱

土能生萬物然而不可食嗟彼嗷嗷民了若無知識把鋤  
入山岡少壯競雲集老翁並老嫗匍匐爭相拾名之曰仙  
粉甘之等崖蜜或以調糜舖云滑若稂稊或以作餅炊云  
馨若黍稷乍食頗相安屢食遂成疾謂可飽無時誰知竟  
絕粒求生反之死言言淚沾臆怪爾饑驅者何為至此極  
饑者前致詞身非不自恤去秋竟無禾今夏復無麥傷哉  
旱潦頻藜藿苦不給富者饒陳因深藏貪貴糶舉室如磬  
懸稱貸誰一擲情知土非良苟活延旦夕蒿目慘無年實  
緣不知節我鄉古崇儉縱荒不甚急邇來逐驕奢所出不  
量入或則信巫鬼一舉耗數鎰竊欲逞豪華不計自詒戚



吁嗟乎蓬門煙火曾不舉朱門歌舞猶未歇由來推解屬  
何人胡為漠視溝中瘠顧我懷先憂無由拯胥溺酸心撫  
柔翰徒爾三嘆息

秦和縣志卷三十九終

秦和縣志

卷三十九 藝文

詩

二十七